

Mensahe 3

**Hulagway ni Cristo si Eliseo  
sa Iyang Pagpangalagad sa Grasya diha sa Kinabuhi  
ug ingon nga Tawo sa Dios Naggawi  
ingog Representante sa Dios, ang Nagsilbing Dios**

Basahong Kasulatan: 2 Hari 2:19-22; 4:1—6:7

- I. Hulagway si Eliseo ni Cristo sa paghimog mga milagro sa grasya diha sa kinabuhi—2 Hari 4:9; Luc. 4:27:**
- A. Sa katumanan sa mga hulagway ug mga larawan sa Daang Tugon, si Cristo ang tinuod nga Eliseo; isip tinuod nga Eliseo, hiligugmaon ug makapahimuot nga propeta si Ginoong Jesus, usa ka propeta sa panalangin—2 Hari 4:9; Luc. 4:27; 7:11-17.
  - B. Hulagway si Eliseo sa Daang Tugon nga nagrepresentar sa pamati-gayon sa Dios sa Bag-ong Tugon diha sa grasya:
    - 1. Ang grasya mao ang Dios nga nagbuhat sa tanan alang nato sa paghatag Niya sa Iyang Kaugalingon kanato nga atong mapahimuslan—Juan 1:1, 14-17.
    - 2. Molugwa kining grasyaha sa diosnong kinabuhi, nga dato ug habog, bisan ngadto sa paghimo kanatong mga masigka-hari ni Cristo—Rom. 5:17.
  - C. Sama ra ang kahulogan sa milagrong gihimo ni Eliseo sa pag-ayo sa tubig sa Jerico ug sa milagrong gihimo ni Ginoong Jesus sa pag-usab sa tubig aron mahimong bino—ang pag-usab sa kamatayon aron mahimong kinabuhi—2 Hari 2:4, 19-22; Juan 2:1-11.
  - D. Ang pagpatungha ni Eliseo sa mga butang nga wala sa prinsipyo sama ra sa gibuhat ni Ginoong Jesus sa pagpakaon Niya sa mga panon sa katawhan—2 Hari 4:1-7, 8-17, 42-44; Mat. 14:14-21; 15:32-39.
  - E. Ang pagbanhaw ni Eliseo sa patay gikan sa kamatayon, paghatag og kinabuhi sa patay, sama ra sa gibuhat ni Ginoong Jesus, sa pisikal ug espirituhanong bahin—2 Hari 4:18-37; Luc. 7:11-17; Juan 11:41-44; 5:25.
  - F. Ang pagwala ni Eliseo sa hilo sa ihalas nga mga kalabasa pinaagi sa harina sa prinsipyo sama ra sa pag-ayo ni Ginoong Jesus sa Iyang mga tinun-an sa levadura sa mga Fariseo pinaagi sa Iyang Kaugalingon ingon nga pinong harina—2 Hari 4:41; Mat. 16:12.
  - G. Ang pagpalutaw ni Eliseo sa ulo sa atsa nga nahulog sa tubig ginamit ang sanga sa kahoy nagtimaan sa pagpahiuli ni Cristo pinaagi sa Iyang krus diha sa pagkabanhaw sa nawalang gahom sa mga makasasala nga nahulog sa tubig sa kamatayon—2 Hari 6:6; Efe. 2:1-6.

Mensahe 3 (sumpay)

- H. Naghimo si Eliseo og mga milagro sa diosnong pagpang-ayo alang sa uban, apan, sa pagbuot sa Dios, siya mismo wala maayo pinaagi sa milagro; nasinati kini ni Pablo ug sa iyang mga masigka-magbubuhath—2 Hari 13:14:
1. Gibiyaan ni Pablo si Trofimo nga masakiton sa Mileto nga wala moampo aron maayo kini ug wala gamita ang iyang gasa sa pag-ayo sa sakit aron maulian si Timoteo sa iyang sakit sa kuto-kuto—2 Tim. 4:20; 1 Tim. 5:23; Buh. 19:11-12.
  2. Si Pablo ug ang iyang mga masigka-magbubuhath naa sa pag-disiplina sa kinabuhi sa sulod niadtong panahona sa pag-antos ug wala sa gahom sa dayag nga gasa:
    - a. Ang una iya sa grasya sa kinabuhi; ang ulahi iya sa gasa sa gahom—sa milagrosong gahom.
    - b. Sa pagkadaot sa iglesia ug sa pag-antos nato alang niini, dili sama kakinahanglanon sa grasya sa kinabuhi ang gasa sa gahom—2 Tim. 4:22.
- I. Namatay si Eliseo sa iyang lawas apan nangalagad gihapon siya diha sa espiritu aron buhion ang usa sa mga minatay—2 Hari 13:21:
1. Bisan ang patay nga si Eliseo makabuhi mag mga tawo.
  2. Hulagway kini ni Cristo nga naa sa pagkabanhaw—Juan 11:25; Buh. 2:24; Fil. 3:10:
    - a. Mabuhi ang tanang mohikap Niya.
    - b. Naglambigit ang pag-anak pag-usab og tawong patay sa espiritu nga nihikap sa namatay ug nabanhawng Cristo ug nabuhi—itandi sa Juan 5:25; Efe. 2:1-6a.

**II. Sama ni Moises, Samuel, ug Pablo, si Eliseo, nga tawo sa Dios, naggawi ingog representante sa Dios, ang nagsilbing Dios, dinhi sa yuta—2 Hari 4:9:**

- A. Giingnan ni Jehova si Moises nga gihimo Niya siyang Dios ngadto ni Faraon—Exo. 7:1a:
1. Diha ni Moises nakabaton ang Dios og tawong morepresentar Niya ug mobuhath sa Iyang kabubut-on; wala gyod sukad mamulong si Moises ngadto ni Faraon sa iya rang kaugalingon; gipamulong gyod hinuon niya ang gipasulti sa Ginoo kaniya—3:16-18; 5:1.
  2. Sa pagkatinuod, wala mamati ug magtagad si Faraon ni Moises, nga embahador sa Dios; namati ug nagtagad siya sa Dios.
- B. Si Samuel ang representante sa Dios sa pagbuot sa Iyang katawhan dinhi sa yuta; kay ingon niana man, si Samuel ang nagsilbing Dios—1 Sam. 1:11; 2:35; 7:3; 8:22:

Mensahe 3 (sumpay)

1. Nagsilbing Dios si Samuel kay nausa man ang iyang pagkatawo ug ang kasingkasing sa Dios—2:35:
    - a. Tawo siya nga uyon sa kasingkasing sa Dios; sa ato pa, kopya, kun hulad siya, sa kasingkasing sa Dios.
    - b. Ang pagkinabuhi ug pagbuhat ni Samuel alang gyod sa pagtuman sa tanang naa sa kasingkasing sa Dios.
  2. Oraculo ug administrasyon sa Dios si Samuel, ug tungod niana, siya ang nagsilbing Dios.
- C. Sa pagpangalagad ni Pablo, nga tawo sa Dios, siya ang nagsilbing Dios sa paglipay sa mga magtutuo, sa paggawi niya diha sa kayano sa Dios, sa pagpadayag niya sa pangabugho sa Dios, ug sa pagkaembahador niya ni Cristo nga magtuman sa pagpangalagad sa pagpasig-uli—2 Cor. 1:3-4, 12; 11:2; 5:20:
1. Sa tibuok panahon sa taas ug alaot nga panaw sa apostol isip binilanggo, giampingan siya sa Ginoo diha sa Iyang pagkalabaw ug gipakinabuhi siya sa kinabuhing layo kaayo sa kabalaka—Buh. 27:13—28:9:
    - a. Ligdong gyod kaayo kining kinabuhia, nga dunay kinalabwang tawhanong maayong kagawian nga nagpadayag sa labing maayong mga diosnong kaayo, kinabuhi nga sama sa gikinabuhi ni Ginoong Jesus mismo dinhi sa yuta pipila ka tuig na ang nilabay.
    - b. Si Jesus kini nga nagkinabuhi pag-usab dinhi sa yuta sa pagka-tawo Niya nga gipadato sa pagkadios.
    - c. Kini ang kahibulongan, maayo kaayo ug mysteryosong Dios-tawo, nga nagkinabuhi sa Mga Ebanghelyo, ug padayong nakinabuhi sa Mga Buhat pinaagi sa usa sa daghang bahin Niya.
  2. Masama ni Pablo ang mga magtutuo sa Bag-ong Tugon sa pagbuhat nila isip nagsilbing Dios—1 Tim. 1:16.

**III. Isip pinili, tinubos, ug gipanganak pag-usab nga katawhan sa Dios nga nausa sa Dios, naumol sa Dios, nagkinabuhi sa Dios, nagpadayag sa Dios, naglihok uban sa Dios, ug nagrepresentar sa Dios, makabuhat ta ingog nagsilbing Dios—Efe. 1:4-5:**

- A. Isip pinili, tinubos, ug gipanganak pag-usab nga katawhan sa Dios, kinahanglan mausa ta sa Dios—1 Cor. 6:17:
1. Ang sukaranong prinsipyo sa Biblia mao nga sa pamatigayon sa Dios giusa Niya ang Iyang Kaugalingon sa tawo ug giusa ang tawo Kaniya—Juan 15:4.
  2. Tinguha sa Dios nga mausa ang diosnong kinabuhi ug tawhanong kinabuhi aron mahimong usa ka kinabuhi nga usa ray pagkinabuhi—1 Cor. 6:17.

Mensahe 3 (sumpay)

- B. Kinahanglan maumol ta sa Dios—Efe. 3:17a; Col. 3:10-11:
1. Ang pamatigayon sa Dios pagpaambit man sa Iyang Kaugalingon sa atong pagkatawo aron maumol ang atong pagkatawo sa Iyang pagkamao ug mahimong usa ka inumol sa Iyang pagkamao—Efe. 3:17a; 4:4-6.
  2. Diha sa diosnong kinabuhi ug pinaagi sa pagbuhat sa balaod sa diosnong kinabuhi, maumol ang Dios kanato, ug maumol ta Kaniya sa Iyang kinabuhi ug kinaiya—Rom. 8:2, 6, 10-11, 29.
- C. Isip mga tawong nausa sa Dios ug naumol sa Dios, ikinabuhi gyod nato ang Dios—Fil. 1:21a:
1. Segun sa pamatigayon sa Dios, tuyo Niya nga ipaambit ang Iyang elemento, pagkamao, ug ang mga sagol sa Iyang kinaiya nganhi sa atong pagkatawo aron ikinabuhi nato Siya—Rom. 8:2, 6, 10-11.
  2. Ang Dios mismo gyod unta ang adlaw-adlaw natong kinabuhi ug sa ingon niana mahimong kinabuhi nga kanunayng nagkinabuhi sa Dios—1 Tes. 2:12; 1 Cor. 10:31.
- D. Ipadayag gyod nato ang Dios—Gen. 1:26; 2 Cor. 3:18; Rom. 8:29; Col. 3:10:
1. Ang walay kataposang tuyo sa Dios pag-umol man sa Iyang Kaugalingon kanato ingon nga atong kinabuhi aron ipadayag nato Siya—Efe. 1:11; 3:11; 2 Tim. 1:9.
  2. Tuyo sa Dios sa pamatigayon Niya nga mausa ta Niya ug magkinabuhi Niya aron hiniusa Siyang mapadayag—1 Cor. 6:17; Fil. 1:21a; Efe. 1:22-23.
- E. Isip mga tawong nagpadayag sa Dios, molihok gyod ta uban sa Dios—Jos. 1:1-9; 6:1-16:
1. Gikinahanglan sa Dios ang mga anak sa Israel nga mobulig Niya sa lihok Niya sa Iyang pamatigayon ingon nga dakong ligid—1:1-9; 6:1-16.
  2. Mausa gyod unta ta sa Dios sa gitinguha sa Iyang kasingkasing ug sa lihok Niya dinhi sa yuta—Efe. 1:5, 9; Bug. 14:1-4.
- F. Sa molihok ta uban sa Dios, morepresentar gyod ta Niya—Gen. 1:26-28:
1. Aron makarepresentar sa Dios nga dunay pagbulot-an, ipadayag gyod nato ang Dios diha sa kinabuhi; kay naa man ni Aaron ang kinabuhi sa pagkabanhaw nga magpadayag sa Dios, duna siyay pagbulot-an nga morepresentar sa Dios—v. 26; 2:9; Num. 17:1-8.
  2. Ang hustong paagi sa pagbuhat alang sa Dios pagrepresentar man Niya—Exo. 7:1-2.
- G. Kon nausa ta sa Dios, naumol sa Dios, nagkinabuhi sa Dios, nagpadayag sa Dios, naglihok uban sa Dios, ug nagrepresentar sa Dios, makabuhat ta ingog nagsilbing Dios:

MGA TALAMDAN SA PAGTUON-NGA-MAKAPATIN-AW

Mensahe 3 (sumpay)

1. Makahimo ang Dios sa pagpasama kanato Kaniya sa kinabuhi, kinaiya, pagpadayag, ug kagamitan aron matuman ang Iyang pamatigayon—Col. 3:4; 2 Ped. 1:4; Efe. 3:9.
2. Sa pagpangalagad ni Eliseo nga propeta, ingon nga tawo sa Dios, naggawi siya isip representante sa Dios, ang nagsilbing Dios; maingon niana sab kitang mga magtutuo ni Cristo karon, magbuhat diha sa Iyang pamatigayon ingog nagsilbing Dios—2 Hari 4:9; 1 Tim. 6:11; 2 Tim. 3:17.